



Эй Навоий, ўзни макбул истасанг, туфрок бўл
Ким, эрур мардуд, улким бошида пиндори бор.

Байтдаги “мардуд” калимаси рад этилган, қувилган, “пиндор” сўзи эса фикр, хаёл, тасаввур, мажозий маънода кибрни англатади. Байтда туфрок, макбул, мардуд ва пиндор сўзлари воситасида талмих ва тазод санъати қўлланган. Яъни улуг бобомиз Одам а.с. ва Шайтон кассасига ишора қилиб ёзмакдаки: “Эй Навоий, Хак даргохида макбул бўлмок истасанг, туфрок каби хокисор бўл. Чунки кимнинг бошида кибру гурури бўлса, у мардуд, яъни Шайтон каби Яратувчининг даргохидан қувилгандир”. Байтдан мақсад кибрни мазаммат қилиш ва одамларни хокисорликка ундашдир. Зеро, кибр инсон қалбидаги тузалиши қийин бўлган хасталиқдир. Шунинг учун ҳам барча дин

ва таълимотларда кеккайган кимсалар танкидга учраган.

Куръони каримнинг бир катор оятларида мутакаббирлар лаънатланган ва жойлари жаханнам экани хабари берилган. Жумладан, “Зумар” сурасининг 60-оятида: “Ахир, жаханнам кибр килувчиларнинг жойи эмасми? (Албатта ўшаларнинг жойидир)”, деб айтилса, шу суранинг 72-оятида яна таъкидланади: “Малоикапар тарафидан айтиладики: “Ундай бўлса, жаханнамда хамиша (абадий) колгувчи бўлган холингизда унинг дарвозаларидан киринглар!”

Хадиси шарифларнинг бирида калбида хандал уругича кибри бор инсоннинг жаннатга кирмаслиги катъий таъкидланган.

Хазрат Навоий “Махбуб ул-кулуб” асарида инсон хулкини “хамида афъол ва замима хисол” яъни мактапган яхши феъллар ва мазаммат килинган ёмон иллатларга ажратиб, уларни бирма-бир очиклаб, таърифлайди. Кибр хакида эса бир ўринда: “мутакаббир — малъун”, дейди. Буларнинг акси бўлган тавозе ва хокисорликни таргиб этади.

“Насойим ул-мухаббат”да шайх Юсуф бин Хусайн Розийнинг бундай деганини эслатади: “Барча яхшиликлар уйнинг ичкарасида, унинг калити тавозедир. Барча ёмонликлар ҳам уйнинг ичкарасида. Унинг калити такаббурликдир”.

Одатда, инсонлар илми, хусни, насаби, мансаби ва мол-дунёси билан фахрланади, кибр килади. Баъзилар сурбетларча ўзини бошқалардан устун тутуди ва кези келганда уялмай ҳақдорлигини ҳам билдириб кўяди...

Имом Мухаммад Газзолий аксар асарлари, жумладан, “Кимёи саодат”да кибрнинг даражалари, офатлари ва улардан кутулишнинг чоралари хакида батафсил маълумот берган. Унинг таъкидлашича, киши то ўз нафсини танимагунча, тупрокдан ва бир катра нопок сувдан яратилгани хакида тафаккур килмагунча ёки хуснига мағрур инсон корни ва вужудидаги ахлат ва нажосатлар хакида мушохада юритмагунча, бу иллатдан халос бўлиши кийин.

Газзолий мазкур китобида шундай бир ривоят келтиради. Бани Исроил тоифасида бир обид бўлган экан. Таквosi туфайли шу даражага етибдики, доимо бошига бир парча булут соя солиб юрар экан. Кунларнинг бирида бадахлок бир киши яхшилик соғиниб: “Мен ҳам обид каби яхши инсон бўлсам, унинг файзидан зора менга ҳам юкиб колса”, деган ниятда обиднинг ёнига бориб ўтирибди. Шунда обид: “Сен ким бўлдингки, менинг ёнимда ўтирасан. Сендан нокасрок ким бору, мендин обидрок ким бор?! Ёнимдан тез кет, сенинг касофатинг менга ҳам тегади”, дебди. Шунда халиги одам ўрнидан туриб кетаётса, булут ҳам у билан кетибди. Обид эса офтобда колибди. Оллох таоло ўша замон пайгамбарига: “Обиднинг кибру манманлиги боис барча яхши амалларини бекор килдим, фосикнинг сидку ихлоси туфайли барча ёмонликларини кечирдим”, деб вахий юборибди.

Навоий газаллари вақти-вақти билан инсонни хокисорликка ундаб, унга мухаккак ўлимни эслатиб туради. Зотан, хар бир киши асли туфрок бўлгани ва яна туфрокка кайтиши мукаррар эканини хис килиб яшаса, унинг калби уйгок бўлади. Бундай инсон такаббурликдан сакланади. Пайгамбаримиз с.а.в. тупрокда ўтириб нон ер ва: “Мен бандаман ва бандаларга ўхшаб таом ейман” дер эканлар. Ахмад Яссавий хазратлари хикматларида “аслим туфрок, наслим туфрок, жисмим туфрок” дея инсонларни мушохадага ундайди. Дархакикат, тупрокда инсон мохияти яширин. Аммо уни хар кандай акл идрок эта олмайди. Инсон оёги остидаги улкан хакикат хакида фикр юритганда, гунох ишларга кўл урмасди. Мохиётан, тупрок нафакат тирикликдаги Ватан, балки у вафот этгандан сўнг ҳам абадий Ватан бўлиб колиши билан янада мукаддасдир... Усмон

Нурий Тўпбош “Бир кўза сув” асарида: “Инсон зехнининг асосий мохияти тупрок нималигини билишидадир. Фикрлар ва кўнгиллар тупрок остига парвона бўлмагунча, кимса бу коронгилик ўлкасининг сирини еча олмайди”, деган фалсафий фикрни илгари суради.

Навоий таъбирича, кибр факат жохилу нодон кишиларда эмас, илм ўкиб, билимига амал килмаган кишиларда ҳам зоҳир бўлади. Улуг шоир “Насойим ул-мухаббат” тазкирасида Абулхайр Тайнотий деган шайхнинг бундай хикматли сўзларини келтиради: “Хар ким илмин зоҳир килса, муруйдур (риёкор) ва холин зоҳир килса — муддаий (даъвогар). Бир катла биравни кўрдиким, сув юзида борадур. Деди: бу не бидъатдур, куругликка чик, даги хуш бор! Яна биравни кўрдиким, хавода борур эрди. Анга даги ушбу сўзни деди, даги сўрдиким, каён борурсен? Дедики, хажга. Дедиким, бор!”

Кўриб ўтганимиздек, Навоий хазратлари бир байт мисолида кибрни коралаб, хокисорликни тарғиб килади. Бу хар биримиз учун гоят ибратли ва хикматли даъватдир.

Сайфиддин САЙФУЛЛОХ